



## Дорогие ямальцы! Земляки!

Всего несколько мгновений отделяют нас от Нового Года. В эти драгоценные минуты мы можем немного остановиться, оглянуться назад и поблагодарить уходящий год.

Наш Ямал отпраздновал 95-летие своей славной истории. Каждая её страница хранит память о великих открытиях прошлого века и выдающихся людях своей эпохи.

В уходящем году отметили свои 50-летние юбилеи Новый Уренгой и Ноябрьск. Благодарю наших ветеранов. Их смелости и энергии хватило, чтобы построить для нас лучший Ямал.

Сегодня уже мы с вами бережём наш округ и стараемся делать его лучше. Спасибо каждому, кто честно работает на благо Ямала! Мы гордимся общими успехами. Отдельные слова благодарности и уважения нашим защитникам. Мы ждём вас домой с Победой!

В новом году у нас также будет много работы. Продолжим строить современные школы и детские сады, спортивные центры, жилые дома, создавать уют и безопасность в городах и посёлках. Всё это мы делаем ради будущего, ради наших детей.

Ямал вошёл в тройку лидеров России по рождаемости. Это самый важный результат нашей общей работы.

Дорогие земляки! Пусть в этот вечер в каждом доме царит тепло и любовь. С Новым годом!

Губернатор  
Ямало-Ненецкого  
автономного округа  
Д.А. Артюхов

## Дорогие ямальцы!

От всего сердца поздравляю Вас с наступающим Новым 2026 годом!

Этот праздник, наполненный светом надежды и радостным ожиданием чуда, по праву любим в каждой семье. Он дарит нам возможность подвести итоги, поблагодарить близких за поддержку и с новыми силами воплощать в жизнь самые смелые планы.

Выражаю слова глубокой благодарности каждому, кто своим добросовестным трудом вносит вклад в процветание Ямала. Низкий поклон старшему поколению, чья мудрость и стойкость служат нам ориентиром. Отдельные слова признательности тем, кто в эти праздничные дни будет нести вахту и дежурство, обеспечивая бесперебойную работу жизненно важных объектов.

Хочу пожелать каждому дому тепла и уюта, каждой семье – счастья и благополучия, а всем жителям Ямала крепкого здоровья, оптимизма и уверенности в завтрашнем дне. Пусть новый год принесёт вам радость от достигнутых целей, вдохновение для новых идей и только добрые перемены!

Председатель  
Законодательного Собрания  
Ямало-Ненецкого  
автономного округа  
С.М. Ямкин

# Тал сис удам верлуд элты

Ханам ёх па ханам нэцат,  
вуца удаты! Там 2025-мет  
тадэв щи етшал, щи веран,  
удам сисэв элты потрэв тулэв.  
Аратадан муң нын пиданан  
хутъяң педа кат лаптэв усэв.  
Верытмев кеман нын унтан  
айкедат тутдысув.

Кум шитмеван куртдан па  
нопталты пандан унты ёхтап-  
тысув, нын вещкат потарлан  
ханшидысув. Молты курта ёхат-  
ты ант верытмеван, нын муңев  
айкел верыдысты, потрат па хо-  
рат китыдысты. Щи веран, нын  
ханты мир ураңан, ищи ун онтас  
тусты.

Газетайн потрат этдыты тум-  
пийн муң хонна ВКонтакте па  
Одноклассники хоца понылдылуд.  
ЩИ понты потарлуд хоца ищи  
молты ясаң ханшидыаты. Щи по-  
райн туп муң арталаты верытлуд,  
муй хорпи айкедат нын луңатты  
лаңхалайты.

Хоты муң арталасэв, кашң хоят  
аршак луңатты лаңхал лув уйтты  
хоятал, куш рутал, куш куртаң  
хоятал элты. Щи тумпийн ун хоя-  
тат элты поныдыты потрат ищи  
сама рахлат. Парасковья Ивановна  
Возелова, лув Питлоран ул –  
ихоцъяң щёрас хоятан щи потар  
вантса. Светлана Павловна Кель-  
чина, Лорвош элты – катхоцъяң  
щёрас пуш луңтыдыса, Емельян  
Кириллович Куртямов, Овкуртан  
ул – хуламхоцъяң щёрас молтас  
пуш луңатса.

Хоятат тумпийн, ай куртат  
улапса, худ велпаслаты па та-  
щан яңхты ёх верат элты, ма  
нумастэман, нын ищи луңатты  
лаңхалайты. Шеңк лулан ям ус,  
хун нын там вер щиран муңев  
ищи нёсаты. Хор китсаты, айкел  
версаты, мата хоятэв элты хан-  
шты мосал. Папуш муң ищиты  
кашң курт унты ёхтаптылуд,  
айкел ханшлуд па хор верлуд.

Тал сис муң кашң пуш хан-  
шидысув тащан яңхты па худ  
велпаслаты мохилуд элты. Лорвош  
па Кев сыл районлудан интам  
хатлатан йис улапса туты хоятлуд  
хонна улдат. Лув волаң верэл он-  
тасан муң округ экономикаев нох  
аламман тайлэл. Лув онтасэлан  
муң пасанлудуа нёхи па худ элты

Хор: Сергей Зубков



А.К. Яковлева, А.Е. Тырлина, В.А. Лонгортова

верам лэототат питыдылат. Щи  
тумпийн тата верыдыты лэвпасат  
па мув суңата китыдыдайт, ты-  
нылдыдайт.

Вуды ёх па худ велпаслаты ёх  
емаң хатлат элты ищи ханшидысув.  
ЩИ пораятан уйтантыйм хоятлуд  
ищи ясаң верыдысат, айкедат лув  
улапсаел элты поныдысув. Щи  
тумпийн кашң пуш ханшидылуд,  
хота па хун леккар ларащ ёша  
пайтсат, хойтэм чумовой капита-  
лан маса, касдыты юшлал мата  
тахаятан мандат, искусственной  
интеллект вулэт ураңан муй ям  
онтас тул.

Айлат мохилуд ищи ёрэма-  
ман ант тайдаллуд, икулудан  
ханшлуд, холта ашкуда юпийн  
елды уталтыты манты рахал.  
Муй хорпи нётопсайт округ ло-  
ватан рупитлат. Грант щиран  
камн солкува шитты рахал, суб-  
сидияйт муй ураңан мийдыдайт.  
Улты хотлал ураңан ох ёхды  
ёхтаптаты верытлат, стипендия  
ох камн солкувая хойс. Кашң  
лапат нын луңатты верытсаты,  
мата куртан па вошан ялап хо-  
тат омасдайт. Хойтат ялап хотата  
каслаптадайт.

Ляль харан улты хоятлуд муй  
хорпи ялап нётопан постасайт, щи  
тумпийн рутлал-сырлал ищи муй  
ураңан нётопса вуты верытлат. Ох  
шимал ёхтаптаты хоттэлдат ураңан  
ищи нётопса верат кашң пуш  
ханшидылуд, ванты ат уйтлат,  
муй па хота вохты мосал.

Монщаң-араң лопаслуд онтасан  
нын верытсаты сыстам ханты

ясаң каншты, ант уйтам яснат  
номпса понты. Щи тумпийн ет-  
наятан няврэмлана па хилдылана  
луңатты. Щи веран лув уйтты  
питсат, муй хорпи умащ мон-  
щат ханты мир хоца улдат.  
Хащам хулам тылащан моншлуд  
хорамаң хоратан поныдыслуд,  
нынана умащ луңатты ураңан.  
Папуш элты нумаслуд соцсетята  
поныдыты моншлуд сыйн пон-  
ты. Щи порайн нын антом туп  
луңатты верытлаты, щи тумпийн  
Ас йиңк иты овты сыстам ханты  
ясцев хулантты.

Ун пумащипа ястаты вутщилам  
аратал ханты мирэма. Нын онтаса-  
нан там верты рупатаев кентат ма-  
нас. Постылдыйм верлуд паты унты  
туслуд. Там тал потар китман  
шеңк такан рупитсат: Владимир  
Егорович Енов, Людмила Тихонов-  
на Гурьева, Любовь Геннадьевна  
Возелова па Галина Пенчакувна  
Кечимова. Лух Авт газетайн потар  
ханшман па хор вуйман рупитсат:  
Зоя Николаевна Куртямова, Вера  
Алексеевна Лонгортова, Валентина  
Геннадьевна Рохтымова, Альбина  
Егоровна Тырлина, Аллина Ки-  
рилловна Яковлева. Папуш ищиты  
такан рупитлуд, мосты айкедат  
каншлуд.

Ялпа ёхатты талэван па уй-  
тантылуд, потрэмилуд. Ойца-  
пицаңа, йисаңа-нуптаңа! Няв-  
рэмдан, хилыдан, рутдан-сырлан  
пидан иса тумтака удаты! Сора  
кеша!

Аллина Тоярова ханшам потар



# Хулаң ёхан сылна, калаңаң мувна



Хор: ЯНАО КМНС департамент

Ямал мув луңатты нэпек хансты ның па журналист Зинаида Лонгторгова мира йидап нэпекал этгас «У рыбной реки, на оленьей земле». Щита лув ханты мур дэвпасат пупцци хансас.

Щи нэпек пунсты порайна, анта топ хордал омщат, касң дытыт нэмад па мала хорпи: «Пувлы – кавартам худ пирчет», Лытап лант – лытап эвалт кавартам лант», «Паннэ тырам – панна тырам эвалт верам дэвпас».

«Там нэпекна лоңам ханты дытытат, аса ма энмам талдам эвалт, ты маса ёхатсат, ма сэңк ямас номлэм, хоты муң вуламэм па амэм кавартам дытытат дысу. Вулдысак ювман, дын педан

вантман, ма па каварсам. Хантэт пасан элты лайты дытыт, ёхтам тал пора эвалт лайс. Луңан ар пелак нави худ эвалт дэщатам, сусн – тохлаң вай па рэх, нахар, алаң ланщ питтал юпина кутар, питы лук, талан ар пелак калаң нёха, товына – тохлаң вай па путы худ. Муң ищки мувувна каврам мувна энамты дытыт кепант энмал, хантэт пасанна иёлты нёха, камн рот рэх ол», – Зинаида Лонгторгова лавас.

Йидап луңатты нэпек кат йит эвалт лайл: ханты манщат па ханты дытыт каварты рецептат. Аратэдна, сат рецепт щита лоңман ол худ, нёха, тохлаң вай па рэх эвалт.

Вера Лонгторгова хансам потар

## Губернатор нэмпи йидап тал емаң хатл манас

Пулцаватна Губернатор нэмпи йидап тал араң монщ емаң хатл «Цветущий сад полярной ночи» нявремат ораңна манас. Аратэдна холамсат няврем, касң Ямал мув щуң па Волновахской муниципальной округ эвалт актыдысайт.

«Манэм сэңк омащ йидап йиты тал емаң хатл едпийн нявремат пидна уйтаныта, ишакты ясаңна лавта. Сэңк ёращлу, муң мувувна щимащ нявремат энамты. Ямас онттыдат, касты харата лувилал ямас этталдал. Тамхатл вантам араң монщуты, номасна тайты лаңхапсайдан мира ат этлат. Самна масты верлан алцищ амтадан – щипорайна топ дыттан щирна этлат. Йидап йиты тал емаң хатл пидна!» – Ямал мув губернатор Дмитрий Артюхов лавас.

Щимащ емаң хатл 2021-мет тал эвалт верта питса, щипатат сыс, щёрс ветсат няврем щипитыдыйс. Щит, аса ямас онттыды, конференция, камн сот конкурса па олимпиадаята нох питыдыам нявремат. Лув кутладна мули нидмет пус Волноваха эвалт вахам нявремат осат.

Вера Лонгторгова хансам потар



Хор: ЯНАО губернатор пресс-служба

## Тынасты хар дарпитыса

Хасям сютсаты хатлатан Пулцават вошн, округ постама емаң хатла, «Дары Ямала» хар хоса тынасты харат дарпитсайт. Хутьяң педалапат хоят пормас тыныты тутдыйс.



Хор: Альбина Тырлина



Пулцават, Лапатнаңк, Надым, Тюмень, Ёмвош, Сургут, Воркута вошат па Волгоградской область элты тынасты хоятат ёхтыдысат, дэтотат па сохат тутдысат.

Каман хотыет омассайт, «Салехардагро», «Орион», «Паюта» нёхи дэсятты тахайт, «Пулцават худ дэсятты хот» верты дэтотдал эталтысат. Шоши мир хоятлув вонсямот, потам, содаң худ, шумах, нёхи, буркайт, посат, сэвам вайт тынысат.

«Дары Ямала» хот дыпийн тынасты хоятат ар хорпи ёшан сак, щашкан элты верам хорамат эталтысат, Ялап тал емаң хатла умась ёнтотат, мойдапсайт дэсятсат. Кашң



ёхтыдыйм хоят молты исипа лутас, талты ёхи ант манас.

Мойң хоятат па нявремат ураңан каш альса, хор верты хар верман ус. Вуды ухадан хатэмиты рахас. Вуды хот донсьман ус. Мойң па вошаң хоятат тохи доңемисат, хошмалтысат, лант дэсат, хошъийңк па шай йинсьсат.

Альбина Тырлина ханшам потар



# Куш лаварт, туп шеңк мосмаң рупата

Тата муң елды, Лоркурт худ велпаслаты ёхлуд элты, потар тулуд. Там лопсэван ханшлуд, хоты Лоркурт ашкуда няврэмат Леонид Петрович Русмиленко хоңа яңхсат па аршак худ велпаслаты щир элты уйтты питсат.

Ямал муван Овс мув шимлаң мир хоятлуд арпелак тащан яңхлат па худ велпасламан улдат. Муv шув няртты тумпийн, там хоятлуд онтасан экономикаев нох адамман тайлэв. Куш лавартаң рупатайт, туп там рупатайт шеңк мосмаңат. Тадан – вот, ищки, аплак кутан руңкатдылат, омлэпат каралылат, ёшлал потам йиңкан поталталат. Луңан па – вот, педца, нипирув, ерт кутан ешащлат...

Там уйтантопсайн Леонид Петрович ёхтам няврэмата потартас, хоты лув худ велпаслатыя яңхидыйл. Мантал порайн муй мосты пормас патан вуйдыйл. Муй хорпи холапан мата худ мощатыты рахал. Муй хорпи туром улдыты порайн, хоты сахат худ нёхдыйл, мата тахаятан улдыдыйл. Няврэмата уйтам верлал элты потартас, щитлал лув хонна ун ащикидал, ун овращдал элты худдыслы.

Ёхтыдыйм няврэмата Леонид Петрович аляс, хоты сахат туңа-щира холап ёнтты мосал. Муй хорпи муңхална ярты, хоты налепкайн тахарты, муй хувататн. Щалта потартас тадан па луңан хота худ велпасдыйл, мата тахаятан нопталтыйл. Муй хорпи пормасат патан вуйдыты мослат, куш тадан, куш луңан. Няврэмат такан



Хор: Татьяна Тоярова

Леонид Петрович Русмиленко ашкуда няврэмата худ велпаслаты верал элты потартас.

Холап ёнтты уталдасды.



худантсат, вантсат па холап сэвты уталдысат.

Лув ин шеңк яма уйтты питсат, хоты холап ёнтты пормас нэмтыла – супас. Лув кашң худ велпаслаты хоят хоңа ул. Ванты, мет шопаң холап нопатты порайн, турамсот аңкал хоңа тахарлыты верытал, щи юпийн тохты. Щишан, холап соралда па ёнтла. Ям супас ёшан каталман, ёнтасты вер сора манал. Тадаң холап дыпия аршак худ питал, пасан тэдаңа йил.

Няврэмата умах ус. Лув па аршак худ велпаслаты ёх рупата элты уйтты питсат. Щишан пумащипа ясаң ястасат, ям номасан лакки мантсат. Муң па Леонид Петровича ясаң китлуд: ойңа-пищаңа, йисаңа-нуптаңа! Аршак худ мощатты, щеп охен ат энмал, наң мосмаң рупата верэн елды ат тула.

Аллина Тоярова ханшам потар



## ОБЪЯВЛЕНИЕ



Там QR-код хуват лоңаты па вантаты, муйсыр нётопсайт СВО хоңа улты мохета малайт. Щи тумпийн нэңдала, няврэмдала, аңкидала па ащилала ищи нётопса вуты рахал.

Айкел соращак мощатты ураңан





# Ядап 2026-1

Карра талу муң эвалтэв щи манас, ар номас нэңхэт самна хыйс, хой элты ям, хой элты атам. Ар нэңху ляльна парас, щимащ номсат хыйты щир антам, топ пора манман самлду еса хасыта воылат. Щит пидна олта ондата масл.

Йидап тална, касң нэңху ораңна йидап уват ат пунсандат. Касң йидап хатлна па олапсы мет ям ат питал, кур илпина хойты ёс, пайдытат ат манал.

Ал хонт лавла: «Хоты йидап тал уйтлэн, щиты олта питдан». Щитна йидап тал самаңтат уйтадан, нави самна, самданна амат ат ол. Иёлты номаста масл, йидап тална топ ям, нави хатлат олта питдат, щи порайна щиты щи олта питал. Йидап тал пидна!

Галина Яковлевна Худи (Зелёный Яр)

\* \* \*

Ядап талда – ядап номас, Ядап талда – ядап щунь! Елды понам номпсат, верат торлы тумтака, вещьката талана ат йидат. Муван улты ар мириев сыйды, хушды ат ул. Ляль харат нох ат воылат. Йис сай, кимал сай, Тураман, Калтацан ат сайдалаюв.

Надежда Филипповна  
Артанзеева (Васьёханов)

\* \* \*

Йидап йиты тална касң нэңху элты майлапсы ясаң китдам! Олапсы эвалт щи арат вуяты, камн ясна тута веритлаты, самланна па щи арат омащ понаты, камн нэңхэт элты мата веритлаты. Нэңхэт элты ям ал щиты вераты, атам номас ал таяты – ким ласкалан! Щимащ номсат такды нынан олта кон питал. Хаттэлдан тумтакат ат оллат. Хой ляльна олты нэңху тайл ки, талад ямас ат манл, юхы ат ёхатл. Йидап йиты тална мет самна тайты номасдан, дыттан щирна ат питдат.

Нина Яковлевна Климова  
(Зелёный Яр)

\* \* \*

Йидап йиты тал емаң хатл, няврем олман сэңк лаялдэв, вулды ювман па щи амтаң емаң хатлна самна парта нявремми йитэн хорпи. Итта мули муң нявремлу ораңна хол юх аматлу, омащ енттыдат эхатлу па майлапсэт понлу. Щиты вее-маман, парта няврем талданна ёхаттэн хорпи.

Щи лампа омащ емаң хатлна, касң нэңху карра талад ям номасна ат номлатылды,

Эльвира Евгеньевна Климова (Зелёный Яр)

Каматса хатл хащас ядап талда питты унты. Там лопса муң мойдапса ясаңт понтсув, хой лаңхас лув рут хоятладе, лухасладе, аратад ханты мирада китты. Хой молты потар ки, молты ясаң ки тайилдыл, муңев ханшидыяты, китыдыяты.

\* \* \*

Пулцават вошан у ханты арыты «Овас : нэңат ядап тал кеша мойл китлув.

Турам партам щиран яма шопаң ляль ат етшал. Ля хоятлув хол тумтака ёхи Энамты няврэмат тумтака а яма уталтылат. Хул велты ё ат велдат, вулэң ёхлув кала йидат. Ханты мир ясцев шави тайдэв! Ядап тал пидан!

Татьяна Ивановна  
(Пулцават)

\* \*

Вуца удаты, ханам ёх па хан теранской группа ханты нэңиет 20 ясаң китлув.

Муң мувиев ищки мув,  
Муң мувиев хорам мув!  
Муң мувиев тащаң мув,  
Муң мувиев вещькат мув

Ван рутлув, ханты ёх, яма уда йисаңа! Тумтак ёш, тумтак кур, Турам пидан, па елды...

Наталья Кузьминична  
Гудкова, Анастасия И



# мет тал пидан!

\* \* \*

Ешак ханам нэ-  
ңат па ханам ёхат!  
Там хатдат Турам ащийн  
амтатлаты, яма ултыя мас. Са-  
маңа тайи кашң хоятэн, тумтака  
улаты. Елды ям номас понаты. Яма  
улман пора сора манад. Шуняңа па  
ойңа, тумтак кур па тумтак ёш!

Валентина Ильинична Аляба  
(Мужи)

\* \* \*

Там йидап йиты тал нынан ар ям  
хатл ат тул, мосат хошңан эвалт ат  
мандат. Касң йидап хатл амтаң ат ол,  
касң йидап хатл мет ямас ат манл.  
Нын хошңанна ивейна ван рутдан ат  
оллат. Мала атам номсат, мала атам  
хатлат тайсайты, аса карра тална ат  
хышлат. Олапсан ищи щимащ нави  
ат ол, мала хорпи омащ тутат емаң  
хатл ораңна амтам хол юх элты  
дылат. Йидап тал пидна!

Светлана Петровна Климова (Зелёный Яр)

\* \* \*

Ешак рут мувев  
хоятыет! Ядап тада пит-  
ты хатлатан ма самеман улты  
ясңат ханшдам. Ядап талан иса ям  
айкелат ат ёхтыдылат, няврэмдан  
ат энамлат. Уншак хоятлув хув  
ат улдат. Холдыя нынана пайды,  
щуняң, ойң па тумтак улапса!

Валентин Валерьевич  
Вальгамов (Пулцават)

лты  
мувие»  
апса ясаң

улаты! Мет  
ильна яңхты  
ат ёхатлат.  
т энамлат па  
х аршак худ  
ңдал ара ат  
иты номасан

Енова

\*  
ам нэңат! Муң Катравош Ве-  
026-мет Ядап тада мойдапса

ты, ойңа, пищаңа, нуптаңа,  
энамты торн, энамты варас!

Паршакова, Мария Николаевна  
Ивановна Сайнахова (Катравош)

\* \* \*

Ешак няврэмат, энамты па ун хоятат! Ядап  
тал пидан нынан! Хой муй ям номас, вер тайл,  
щитдал туңа-щира ат питлат. Хол талаң ёш па  
талаң кур, ойңа-пищаңа па ям улапса.

Няврэмата данхадайм ястаты: ун антидан,  
ун ащидан, антян, ащан ясаң уталтыты мосал.  
Камн касты щир там йисан верда: конкурсат,  
акцияйт, квестат, сочиненияйт, диктантат – щит  
ищи нётопса рут ясаң уталтапса хошса. Касты  
харата пидтацияты, рут ясцев шавияты.

Надежда Дмитриевна Вальгамова (Овкорт)

\* \* \*

Йидап талэв щи ёхатал.  
Муң мувев хуват арсыр рут му-  
рэв ул. Итдыи лувилал ям ясаңан  
лавты, тумтака па янтман, няхман  
ат улдат.

Кадаң савиты, вой, худ велты мурэв,  
каркам кур па тумтак ёс. Кадаңдал елащ ат  
рутамлат. Велпаслаты мохилув велпасдал,  
путдал ивейна тэлаңат ат улдат. Хоттэл  
нэңхилал, няврэмдал тумтака ат энамлат.  
Имидал, эвидал хорам сохат па пор-  
масат ат вердат. Ойңа, пищаңа,  
нуптаңа, йисаңа ат улдат!

Лидия Егоровна Сязи  
(Питлор)



## «Ёмвош ёх» араң мохилдүв

Там ванан «Ёмвош ёх» ханты мирэв арат арыты тахаев Ёмвош творчества хотъятн 7-мет тада ювам емаң хатлал хорасаңа постасды. Тамаш умах муй хорамаң нэм там арыты тахая яңхты нэңат нэман дыеда вусат. Ванта, дый иса холыена Ёмвошн удлат, щалта па Ёмвошев округ хоңа хон воша луңтасл.



«Ёмвош ёх» тахая ханты арат арыты яңхты нэңата тамхатл аратэлн иса яң нэ ул. Мата хоятат туңа-щира па туса шоши ёхлүв улты-холты щират, арсыр поры верат ошаңа-щаңа муй рут мирэл ясаң ищиты щи япсыена уятлат.

Дый тамхатл матты ипуляңа улты хоттэл хоятат и тахая холыена актащсат. Лулан ханты мирэв йис арат елды тайтыя па мосты порайт ёхатты кемн, щи отат сыр-сыр вошаң мир ху ёхат-нэңат елпийн япсыена арыты па ванлтаты. Мосал ястатыя, хоты «Ёмвош ёх» ханты мир арат арыты хота арсыр тахатн, Ёмвош доватан рупитты муй пенсия вуш унты ёхтам имет ияха ёхатсат. Лулан Ас потты тылащ 2018-мет тал вуш элты ханты мир арат яма елды туты.

«Ёмвош ёх» арыты таха кушя Фаина Павловна Иштимирова (Костина) тата ул. Лув ар тал сус «Хатдые» нэмпи театр хоңа Ёмвошн рупитас. Тата ма лув пилэлн уйтантысам па оша понтсам, хоты па хун дый «Ёмвош ёх» арыты таха лэщатты номасн ёхатсайт.



«Ёмвош ёх» тахаев нэңат арылат.

Емаң хатлэда  
мойлапса  
аратна арыдайт.

Ворңа хатл  
емаң хатлна  
умца яклат  
муй арылат  
мойң хоятат  
елпийн.

Фаина Иштимирова щи вер элты тамиты манэма потартас: «Мет олаңан, ма, ванта, Асугорской «Хатдые» театр хоңа 19 тал сус иса усам, рупитсам. Щи порайн нумасты питсам, муй вер ураңан муң щимащ таха ант тайлүв, хота лулан рут ясаңан ханты арат япсыена арыты верытсув. Щиңанща Ас халты тылащн 2018-мет талэвн ма па Людмила Гурьева (Шульгина) япсыена ияха нумассаман, муй щирн щимащ арыты таха пуншты рахал. Щалта муң ханты мирэв арат арыты каш тайты нэңат ияха акатсаман, дый пилэлн туса потарсаман, айдтыена арсыр ханты арат Ёмвошев творчества хотъятн ялпа уталтыты питчасув. Щи вушат элты па ин тамхатл унты «Ёмвош ёх» арыты тахаев нэңат арсыр уйтантопсаята куца ёхлүвн кашң пуш вохты питсайт».

Ёхи хащам пораятн округев хоңа постаты сыр-сыр емаң хатлатн, щит: Тылащ поры,



Хор: Владимир Енов

Вулэң, худ па вой велпаслаты ёхлүв муй Ворңа хатл, ай хопаң касапсаятн. Мувтэл шоши мир хатадн па отатн иса щи удлат па умах якты муй арыты хотат хоятат елпийн иса туңа-щира, яма лэщатлат.

Щиңанща «Ёмвош ёх» нэңат 7-мет тада ювам емаң хатлэл ураңан якты па арыты хотэл ияха актащам вошаң хоятат елпийн туса версат. Олаң кутэлн дый «Ван рутат» нэмпи ар арысат, мата от Тамара Пырысевайн катра Лорвош районан ханшса. Ванта, Овс мирэв ай па щимащ верат ураңан кашң ханты ху па нэ дый кутэлн ищипа ван рутата-щирата луңтаслат. Щи туса манам ар етшаптамел юпийн етнхот верам нэңат Ёмвош творчества хот куца лаңкар хоята Игорь Билаша ясаң масат. Ияха ёхтам хоятат елпийн лув потартас:

– Ешак ху ёхат па нэңат! Манэма тамхатл шеңк умах щи вер, хоты ар хоят муң

творчества хотъятэва там етнхота «Ёмвош ёх» арыты таха емаң хатлэв постатыя ияха тата актащсат. Лаңхадам ястатыя, лулан арыты тахаев нэңат елды ищи тумтака, талаңа ат усат па муңев ханты мир умах аратн аматсат!

Ясңал тувам юпийн Ёмвошаң творчества хот куца лаңкар ху Игорь Билаш «Ёмвош ёх» ханты арат арыты таха куца нэңа Фаина Иштимирова ишакты нэпек катлаптас.

Мосал ястатыя, хоты етнхотн порайн «Ёмвош ёх» таха арыты нэңат аратэлн лапат ар емаң хатлэл ураңан тата арысат. Ванта, ханты мирыев лапат туром тайл, Ёмвошев па лапат емаң рэп лоңлатн йис порайт вуш элты япсыена щи омасл! Щалта лапат тал доватаңа там кутн ханты нэңлүв «Ёмвош ёх» нэмпи арыты тахаев па тамхатл йис!

Владимир Енов ханшам потар



# Вой велты ай пох

Удман-холман Карыкуры щачел ими пидан. Щачел шеңк пираш, лув шеңк ай. Лув унтан палтаман ёхатла, йиңкан хулан ант йида. Щачел ястас:

– Похие, наң палтапды уда, нэмолаты элты ал пада.

Ипуш похал мурах вонщты вохсалды. Хопан унт пелка уншсатан. Айлта сама уншсатан па ут хуват манлатан. Мурах воцлатан. Щачел ими ханематы питас варас кута. Карыкуры щиты щи вонщатал. Щи кутан щачел питама хопа дэлас па ёхи манас. Карыкуры палтаман щи ёхатса – щачел ими ал антом. Унт хуват хухатлиты питас, увас, рыхлал ил шошапсалды. Щачел ими па пелакан омасал, ампа пидан потарал, ар арийл. Патлам ата йис, похлат щачты питсат, такан ертал. Похие ант палты питас. Лув ун нохар юх шиялас, па щи юх илпия ханемас па ил вояпса.

Удмиты питас: ай худые па сумат юх дэрат мув элты нох этты питсат. Сумат юхие сэм йиңклал иллы щёрылат, худ юхие па холдал, уңхал иллы овал, сэм йиңк иты.

– Акем ики нохар юх, аңкем уйты, лув ин ил щи питад, – юхиет холдалат.

Акем ики нохар юх щиты ястас:

– Ма курдам нох ант шитладам. Хун кур дэрдам нох талдам, няврэмат, ма халдам. Муйн ма лувел нётлэм. Ант верытлам.

Ин ай юхиет ёнтты, наварты питсат. Щи кутан похлат щачты питсат, тут такан ущемийл.

Туп пираш сумат ими катна халэмас, лув похал вотан хойса.

Карыкуры худатал: холды холдалат. Хув-ван худантас, щи сыйн ил войпса.



Хун нох вердас – най пада хуңхмал, ерт сэмат ал волилат. Вантыйл, тум пелакан щачел омасал па арийл:

– Хун похиет нох энмал, уна йил, ар худ, ар вой велты питад.

Щи амтас, няхан ёхатса, ин похие калнаңа хухалмас, щачел ими хопа дэлас па лын ёхи мантсатан. Карыкуры иса монщсалды, муй худас унтан, муй улам вантас, хоты олас.

– Похие, уталтыя худ па вой велты ма ултэм пуляң, – ин ими ястас.

– Ин ма волды ант палдам патлам ат элты, унт элты, – пох ястас. Талта улды вой па худ велты питас. Щачел худан па войн туты питас.

Любовь Возелова  
лэщатсалды



Хор: Илья Михно

## Нампар вой па меңк ики

(Олаң шупал № 51 луңталн)

Щиталн сора ед нёхалмас, паварт хот пуңалн мув хирамтас, дыпия лоңемас па ванталады: нэмолаты меңк ики ший антом.



Хор: Илья Михно

Щалта ёхлал хоңа хухалмас па дыел вохсалды:

– Ёх, манлуд па хот дыпия лоңлуд, меңк икен ёхи холна ант ёхатмал!

Щиңанца холдыена хот дыпия лоңдат па Нампар войен щиты дыела ястал:

– Ма щимащ номас тайдам: наң, нёхлаң худ эватты сохал, ов питара ола! Хун меңк икен ёхи лоңал, лув наң элтэн пурмал па ил волкапал. Наң па, пор, ов нумпи норма ола! Меңк икен ил волкапал па наң лув ох патэла наварма па муйкем юр тайдан, лувел порыты. Наң па, аплак, ов хот луңка лэщатя! Меңк икен ил волкапты порайн лув саплала такан ёвартыя па ил лувел талы. Наң па, волтап, ов пуңал норма ола! Хун аплакен ин икен ил талдалы, наң меңк икен шанша наварма па лаңкарлал элты иллы пела такан волты. Мин па дар худэн пилн щёхал шанш пелка ханемадман. Наң па, дар, меңк икен нёл вусата лоңа па такан щитңалад пеланталн! Хун па лув уңал вусал пелки талал па увты кердал, ма лув хон дыпела навармалам па самдал-муйдал катна эватмалам! Ин па ил ханематы па питама улаты!

Хув муй ван кут парас па ин ёх меңк икен йиты сый щи худмалад. Тумен такан уман, ёхлы пела щи шушал:

– Ма мет юраң па мет номпсаң! Ма иса

нампрыя маншдалам, иса ая шукатдалам па ёхи дэлдам!

Ин меңк ики ёхи щи йил па парта пелак ёшалн ялпа ведам хор тул. Хот пуңдала ванамас, вулэл ил воцкасды па нюхмас:

– Мандам-сары, щёхалэм алдэм па лэрот кавартлам, самем щикем вохда!

Щиңанца меңк икен ун юхаң алтэл вус па хот овала ёхтас. Хотл пелки пуншмасды па туп нёхлаң худ эватты сохалад пурмас, мохты иллы пела щи волкамтас. Ин аплак ов хот луңкал элты лув хоңайл навармас па саплал элты ил талтыя питсалы. Щи сысн поран охпатэл элты порытты кердаса. Меңк икен роман ед увалтас: «Ана-на, ана-на!» Щиталн дар худэн лув нёл вусалада лоңал па такан пелантты питңал. Ин ики уңдал пелки талдалы па Нампар войен лув дыпела навармал. Щалта меңк икен хоналн самал муй мохлал иса нампра порсалды. Щи ураңан ин ики ищи курамн сорма питас. Нампар войен уңал мохты ким этас па ияха ёхтам ёхлал пела щиты ястас:

– Ёх, вантаты, хоты муң щи ловат меңк ики ияха охалтасув!

Тамиты, ванта, улапса щирн тыйл: хун ар ёх и номасн ул па и вер лэщатл, щит ищипа нох питл!

Владимир Енов ханшсалды



## Овс мув хорамат щашканан этадталды

Пулдават вошн «Дом ремёсел» хотан умась хорамат щашканан этадтыты ханты нэ Александра Ларионовна Юхлымова «Тепло Севера. Батик и традиции» вантопса манал. Вошан улты хоятат ван хатлап тыдась хольмаң педан нийлмет хатл унты рупатайдал вантты верытлат.

Кашң порайн симась тахая няврэмат, вошаң па мойдыты ёхтыдыты хоятат яңхлат. Ма ликасам, хун ханты нэчиев пидан рупитты хоятлад рупатайдал вантты ёхтыдысат па мастер-классан пидтасьсат.

Кашң порайн симась тахаятан улман, нумаслам, муй сирн катра порайн нэмолаты водаң вератты пормас ант тайман, юх, лов, щашкан, сак эдты умась пормасат тыйидысат. Там поратусаң ёх мет водаң, умась рупатайт верлат. Туп шеңк самаңа па ванан верэд тайты хоятат, Овс мув улапсаев рупайдалан алыты верытлат.

Вантопсайн Александра Ларионовна хорладан Овс мувев, ханты ёх щирлуд-пищлуд этадтыман удлат. Ыув ханшам сохладан войт, лыптат, вонсямотат альсалды. Кашң хоят ханты нэчиев верты мастер-классата ёхатты верытал, симась хорамат лэсятты.

Альбина Тырлина ханшам потар



Хор: Альбина Тырлина

**Газета**  
**«ЛУХ АВТ»**  
Адрес редакции:  
629003, ЯНАО,  
г.Салехард,  
мкр. Богдана Кнунынца,  
д. 1, каб. 106  
+7 (34922) 4-68-63  
E-mail:  
luh.avt@yamal-media.ru

**Учредитель**  
Департамент внутренней политики  
Ямало-Ненецкого автономного округа  
(629008, ЯНАО, г.Салехард, пр-кт Молодёжи,  
д. 9, каб. 708)  
**Газета зарегистрирована**  
Управлением федеральной службы по надзору  
в сфере связи, информационных технологий  
и массовых коммуникаций по Тюменской  
области, ХМАО-Югре и ЯНАО  
19 апреля 2012 года  
Регистрационный ПИ № ТУ72-00558

**Тираж 1300 Заказ 1750**  
**Подписные индексы:**  
на год – ПА700, на полугодие – ПР561  
**№ 52 (1303)**  
Газета вышла в свет 27 декабря 2025г.  
Подписано в печать 25 декабря 2025г.  
**по графику: 16.00**  
**фактически: 16.00**  
**Газета выходит по субботам**  
Цена годовой подписки 88 руб.,  
в розницу не распространяется

**Издатель**  
Департамент внутренней политики ЯНАО  
(629008, ЯНАО, г.Салехард,  
пр-кт Молодёжи, д. 9, каб. 708)  
**Отпечатано в АНО «Ямал-Медиа»**  
Юридический адрес: 629003, Ямало-  
Ненецкий автономный округ, г. Салехард,  
мкр. Богдана Кнунынца, д. 1, каб. 106  
Фактический адрес: 629007, Ямало-  
Ненецкий автономный округ, г. Салехард,  
ул. Чубынина, д. 39А

И. о. генерального  
директора  
АНО «Ямал-Медиа»  
Чигирникова Елена  
Константиновна

Главный редактор  
Яковлева  
Алина Кирилловна